

Der. v. Titel des dritten tractats

fäll/so den kindē obberürter maß/oder in anderweg gefallen möcht/irer eltern nuzung vnd niessung/wie oben im tittel der erbschafft zwüsche elüten vnd im kinden gemeldet ist/nit geschwecht sin sol.

Erbschafft in vffstigender

linien sind die eltern.

¶ Wer das die abgestorben person nit kind/oder kindskind/sür vñ für in abstigender linien zerechnē/verliesse/So ver dāñ sin vatter oder mütter vorhanden sind/die erben die abgestorben person miteinander/also das ir yedem ein gleicher teil würt/sy syent byeinandern in eelicher bywoning oder nit/wa aber der vatter allein vorhanden/oder die mütter allein in leben/welches hievor ist/das erbt das abgestorben/vnd werden in disen fällen/alle die so in der vffstigenden linien wyter sind/als Anen/Eni/vian/vieni ꝛc. vffgeschlossen.

So der abgestorben Eni

vnd Anen verlaßt.

¶ Wert aber der abgestorben nit vatter oder mütter/besonder Eni oder Anen/Vieni oder Dian/vnd also wyter hinuff zu rechnen verlaßen/so erben An vnd Eni/vnd werde Dian vñ Vieni vffgeschlossen/vnd würt für vnd für hinuff gehalten/das der neher grad den verren vffschlüßet/vnd erben nach den houptern/Es wer dāñ das Eni vnd Anen vom vatter/defglichen Eni vnd Anen von der mütter def abgestorben vorhanden/So nemēt allweg zwey miteinander die zusamen gehörent/einteil vnd ob def vatters halb beid Eni vnd Anen/aber der mütter halb nū ein person Eni oder An/vorhanden wer/so nemēt die beide vff der einen syten/nit me dāñ der enig Eni oder An/vff der andern syten.

Wen der abgestorbē geschwü-

strige oder ire kind mit dem vffstigenden grad verlies.

¶ Wer aber sach/das die abgestorben person vatter oder mütter verließ vñ darzu brüder oder schwesern/die beider eltern halb sin geschwüstrige weren/So erben die geschwüstrigt mit vatter vñ mütter ir yedes ein gli chenteil/nach den houptern. ¶ Vnd ob die abgestorben person brüders kind/oder Schwester kind/mit den geschwüstrigt sampt vatter vnd müt